



Godišnja press konferencija

Na godišnjoj press konferenciji općinskog načelnika mr Ibrahima Hadžibajrića, održanoj početkom januara, 2022. godine, predstavljeni su najveći projekti realizovani u ovoj lokalnoj zajednici u toku 2021. godine, te najavljeni novi...




VIŠE NA LINKU 

Načelnik Hadžibajrić u posjeti socijalno ugroženim porodicama

Više od 30 porodica iz Starog Grada u prošloj godini stambeno je zbrinuto, te im je Općina Stari Grad finansirala sanaciju stambenih jedinica...



VIŠE NA LINKU 

Međuentitetska saradnja Općine Stari Grad i Istočni Stari Grad

Općinski načelnik mr Ibrahim Hadžibajrić i načelnik Opštine Istočni Stari Grad Bojo Gašanović potpisali su Sporazum o zajedničkom projektu sanacije i asfaltiranja lokalnog makadamskog puta...



VIŠE NA LINKU 

Izgradnja i obnova 14 dječijih igrališta

Općina Stari Grad, predvođena općinskim načelnikom mr Ibrahimom Hadžibajrićem, u prethodnim godinama izgradila je i obnovila 14 dječijih i sportskih igrališta...



VIŠE NA LINKU 



Godišnja press konferencija

Na godišnjoj press konferenciji općinskog načelnika mr Ibrahima Hadžibajrića, održanoj početkom januara, 2022. godine, predstavljeni su najveći projekti realizovani u ovoj lokalnoj zajednici u toku 2021. godine, te najavljeni novi. Među najvećim projektima iz prošle godine su: rekonstrukcija Vrtića "Bulbuli", milionski infrastrukturni projekat na Alifakovcu kojim je riješen dugogodišnji problem kanalizacione

i vodovodne mreže, te drugi značajni projekti. Radilo se i na poboljšanju infrastrukture i sadržaja za odmor i relaksaciju, te je realizovan projekat sanacije saobraćajnice i uvođenja javne rasvjete na dionici Dariva- Kozija ćuprija. Prioritet su bili građani, posebno socijalno ugrožene porodice, te je u prošloj godini osigurana sanacija stambenih jedinica za 31 porodicu.



Najavljeni novi projekti za 2022. godinu

Najveći projekat u 2022. godini bit će izgradnja zgrade za smještaj djece bez roditelja i socijalno ugroženih. Bit će to četvrta zgrada koju će Općina Stari Grad sagraditi za najugroženije kategorije stanovništva čime će im riješiti jedno od najvažnijih životnih pitanja, a to je krov nad glavom. U 2022. godini nastavit će se i izgradnja Muzeja Mersad Berber u ulici Zelenih beretk za kojoj je u budžetu Općine Stari Grad Sarajevo planirano 300.000 KM.

Na Darivi će se sagraditi objekat uz igralište Park mira na površini od oko 100 metara kvadratnih. Objekat će se sastojati od ženskog i

muškog toaleta, toaleta za invalidna lica, prostorije za presvlačenje beba, manje trgovine, te ostave i pomoćne prostorije. Također, nastavit će se i projekat uređenja Trga oslobođenja – Alije Izetbegovića. Na Trgu oslobođenja-Alija Izetbegović će se očuvati sadašnje rješenje Trga, autora Vladimira Dobrovića i Sakiba Hadžihalilovića iz 1976.godine. Predviđeno je novo popločavanje kamenim pločama, a hortikulturno uređenje u potpunosti uvažava Trg kao spomenik prirodnog naslijeđa, zadržavajući postojeću vegetaciju, uz obogaćivanje zelenih površina novim vrstama.



Općinski načelnik
mr Ibrahim Hadžibajrić

U 2021. godini uložili smo skoro sedam miliona konvertibilnih maraka u projekte iz oblasti građenja, infrastrukture, te projekte od općeg, društvenog značaja i podršku socijalno ugroženim. I u 2022. godini bit ćemo opredijeljeni za napredak i razvoj našeg Starog Grada kroz projekte gradnje, obnove, rješavanja pitanja zbrinjavanja socijalno ugroženih građana, ali i poboljšanje ponude sadržaja za odmor i rekreaciju, te prostora za kulturno-umjetničke sadržaje.



POGLEDAJTE VIDEO PRILOG
KLIKOM NA IKONICU



Načelnik Hadžibajrić u posjeti socijalno ugroženim porodicama

Više od 30 porodica iz Starog Grada u prošloj godini stambeno je zbrinuto, na način da im je Općina Stari Grad finansirala sanaciju stambenih jedinica, donirala građevinski materijal ili sredstva za radove. Socijalno ugrožene porodice su među najvećim prioritetima ove lokalne zajednice, a osnovni životni uslovi i krov nad glavom su nešto što svaka porodica u Starom Gradu mora imati. Općinski načelnik mr Ibrahim Hadžibajrić obišao je neke od porodica kako bi se uvjerio u kakvim uslovima provode zimu i provjerio

da li im je još nešto potrebno.

Da se stambenom zbrinjavanju socijalno ugroženih porodica u ovoj općini posvećuje značajna pažnja govori i podatak da je u posljednje dvije godine sanirano 87 stambenih jedinica i uloženo je 270.000 KM.

U budžetu za 2022. godinu za ovaj projekat planirano je 140.000 KM, a onima koji ispunjavaju uslove pomoći će se u popravci krovova, fasada, stolarije, unutrašnjosti objekata, pomoćnih prostorija i svega onog što im je neophodno za život.



Općinski načelnik
mr Ibrahim Hadžibajrić



Odlučio sam da obidemo ove porodice i vidimo u kakvim uslovima provode zimu, da li im još nešto treba, jesu li njihovi domovi sada uslovniji nego prije. Iz onoga što su mi rekli zaključio sam da su zadovoljni izvedenim radovima i sad su ove porodice u toplom, na suhom i sigurno su riješile jednu veliku brigu. Naš posao ovdje ne prestaje, nego nastavljamo i u godini koja je pred nama kako bi pomogli i ostalima koji ne mogu sami finansirati obnove svojih domova. U budžetu smo planirali 140.000 KM i onima koji ispunjavaju uslove pomoći ćemo u popravci krovova, fasada, stolarije, unutrašnjosti objekata, pomoćnih prostorija i svega onog što im je neophodno za živo.



Elvedin Šljokić



Imali smo izgrađen samo jedan sprat kuće i to od betonskih blokova. Bilo je hladno, voda je prolazila sa svih strana, smrzavali smo se ovdje ispod Trebevića. Podnio sam zahtjev za sanaciju i fasadu i taj zahtjev mi je načelnik Hadžibajrić odmah odobrio. Sada nas je evo iznenadio i posjetom i paketom hrane za djecu. Da je više ljudi kao što je on svima bi nam bilo puno bolje.



Zuhra Smajić



Krov nam je bio velika briga, strahovali smo od kiše i snijega. Sve je prokišnjavalo što nam je bio jedan od najvećih strahova. Došli su iz Općine i sve je riješeno, ti problemi su iza nas. Zahvalni smo načelniku Hadžibajriću i Općini što misle na nas i što su nam obezbijedili novi krov nad glavom.



POGLEDAJTE VIDEO PRILOG
KLIKOM NA IKONICU




Međuentitetska saradnja: Općine Stari Grad i Istočni Stari Grad zajedno realizuju sanaciju puta kroz Gornje Biosko

Općinski načelnik mr Ibrahim Hadžibajrić i načelnik Opštine Istočni Stari Grad Bojo Gašanović potpisali su Sporazum o zajedničkom projektu sanacije i asfaltiranja lokalnog makadamskog puta kroz selo Gornje Biosko.

Ovim sporazumom Općina Stari Grad i Opština Istočni Stari Grad u jednakim omjerima će financirati sanaciju puta koji predstavlja izuzetno važnu putnu komu-

nikacija za oko 50 domaćinstava ovog naselja. Projekat će koštati 133.960 KM, što znači da će općine izdvojiti po 66.980 KM. Saradnja je najavljena u vremenu političke nestabilnosti na nivou cijele zemlje, te je primjer kako ove dvije lokalne zajednice uspješno funkcionišu uprkos blokadama na višim nivoima vlasti i kako su im briga o građanima i njihove potrebe na prvom mjestu.



Općinski načelnik
mr Ibrahim Hadžibajrić

Sanacijom puta ćemo poboljšati uslove za stanovnike 50-ak domaćinstva u naselju Gornje Biosko, što nije mali broj. Taj put nikada nije rađen niti saniran. Stari Grad i Istočni Stari Grad posljednjih godina zajedno su realizovali više od deset projekata za dobrobit građana obje općine po pitanju infrastrukture, elektrifikacije, rasvjete, vodovoda i kanalizacije. Pri tome jedino što smo gledali je dobrobit naših građana i bilo bi mnogo bolje kada bismo u medijima imali više takvih priča i primjera dobre saradnje, ali nažalost o tome se rijetko govori u medijskom prostoru.



Načelnik Opštine Istočni
Stari Grad
Bojo Gašanović

Realizacijom ovog projekta ćemo pomoći ljudima povratnicima u svoje naselje da im obezbijedimo bolji kvalitet života. Oni u opštini Istočni Stari Grad ostvaruju zaposlenje ili prava oko školovanja, a žive u općini Stari Grad. Takvih primjera ima i u Istočnom Starom Gradu, gdje ljudi žive, a svoja prava i obaveze ostvaruju u Starom Gradu. Zato su ovakvi projekti važni.



Vojo Radonja

Nama je ovaj put neophodan. Ja živim ovdje 60 godina i svjedok sam da se put nikada nije radio. Biće nam puno lakše, svaka infrastruktura je dobrodošla i šta god se uradi nama znači, a pogotovo put.



POGLEDAJTE VIDEO PRILOG
KLIKOM NA IKONICU



Izgradnja i obnova 14 dječijih igrališta

Općina Stari Grad, predvođena općinskim načelnikom mr Ibrahimom Hadžibajrićem, u prethodnim godinama izgradila je i obnovila 14 dječijih i sportskih igrališta, a sve kako bi se djeci i mladima pružili što bolji uslovi za odmor, relaksaciju i bavljenje sportom u njihovoj općini. Sagrađeno je devet novih dječijih igrališta, i nastojalo se da u gradnji nove infrastrukture budu zastupljene sve mjesne zajednice, iako je evidentan problem sa nedostatkom raspoloživog prostora za ovakve sadržaje.

Općina Stari Grad je u prethodnom periodu izvršila kontrolu stanja svih igrališta te se na mjestima gdje su detektovani kvarovi ili oštećenja na mobilijaru pristupilo njihovoj sanaciji i sva dječija i sportska igrališta dovedena su u zadovoljavajuće stanje. Tim radovima stekli su se uslovi da prema novoj Uredbi o uređivanju i održavanju zelenih i rekreativnih površina u Kantonu Sarajevo, KJKP "Park" Sarajevo preuzme u redovno održavanje sva igrališta u Starom Gradu.



Regulisana pitanja upravljanja i standarda

Novom Uredbom o uređivanju i održavanju zelenih i rekreativnih površina u Kantonu Sarajevo preciznije su regulisana sva pitanja koja su do sada bila sporna, ali i definisani minimalni tehnički uslovi i standardi prilikom izgradnje, održavanja, načina korištenja i sigurnosti mobilijara. Regulisan je način korištenja, održavanja, upravljanja i izgradnje, kao i nadzora nad ovim površinama,

uz primjenu evropskih standarda za dječija igrališta. Uredbom je propisana i obaveza da se oprema za dječije i sportsko igralište mora postaviti u skladu sa uputama proizvođača, te da se na opremu postavlja obavijest kojom se upozorava na rizike. Sva dječija igrališta koja je Općina Stari Grad predala na upravljanje KJKP "Park" ispunjavaju ove standarde.



Općinski načelnik
mr Ibrahim Hadžibajrić



U posljednjih desetak godina izgradnja dječijih i sportskih igrališta je kontinuirana praksa u Općini Stari Grad, trudimo se da vodimo računa o svim aspektima života djece i mladih pa tako i kada je u pitanju sanacija i izgradnja sportskih i dječijih igrališta.

